



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

O Grupo Parlamentar do Bloque Nacionalista Galego (BNG), ao abeiro do disposto no artigo 112 do Regulamento da Cámara, presenta a seguinte **emenda á totalidade, de devolución, ao proxecto de lei reguladora dos xogos de Galiza [11/PL-000016 (doc. núm. 42313)]**, en base ás seguintes consideracións:

A regulación do sector do xogo na Galiza peca dunha grande obsolescencia, xa que a lei actualmente vixente data de 1985 sobre a que se foron introducindo novas instrucións e normativas co fin dunha mínima adecuación á actualidade cambiante, fica a día de hoxe insuficiente e cativa.

É pertinente unha nova regulación deste sector que parta dunha análise máis cinguida á realidade actual e que contemple todos os aspectos que desta actividade se derivan, tanto económicos ou fiscais, coma tamén sociais e, especialmente, sanitarios.

Se atendemos á perspectiva sanitaria, cómpre ter presentes as cifras de prevalencia de xogo problemático e tamén de xogo patolóxico, en absoluto desprezables, e que teñen un impacto importante sobre a poboación máis nova, incluíndo a menor de idade. Segundo a enquisa ESTUDES 2021, entre o estudantado do ensino secundario, o 3,4% do alumnado de 14 a 18 anos son candidatos a presentar un posible xogo problemático. Neste senso, son varios os estudos científicos que alertan sobre esta casuística, incidindo na importancia que ten o xogo presencial neste grupo de idade, ao estar moito máis estendido que o xogo en liña.

Mais tamén é preciso ter presente a importante actividade económica que deste sector se deriva, tamén en materia de fiscalidade, e que cómpre regulamentar.





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Pola contra, o proxecto de lei remitido ao Parlamento galego polo Consello da Xunta de Galiza, ademais da gran demora que acumula sobre os prazos que foran anunciados para a súa entrada na cámara, adoce dunha profunda falta de sensibilidade á hora de actuar na liña da protección da saúde pública, así como de minimizar o impacto negativo que esta actividade ten sobre a sociedade.

Na exposición de motivos do proxecto de lei recóllese a consideración de que a oferta de xogo existente actualmente na Galiza é excesiva en relación á demanda real da poboación, partindo da análise de instalacións de máquinas de apostas e recreativas en establecementos de restauración e ocio e entretemento en relación ao número amplamente superior que están autorizadas. Non obstante, o texto aprobado polo Consello da Xunta non nó non contempla a diminución destas autorizacións, senón que permite o incremento nas tendas de apostas, salóns de xogo ou salas de bingo operativas no noso País.

A non consideración da retroactividade deste texto lexislativo, a permisividade coa presenza de máquinas accesibles nos locais de hostalaría e restauración ou a regulación de recintos feirais e deportivos nos que se concentra moita mocidade, son exemplos de importantes eivas á hora de actuar nesa preservación da saúde. Estas cuestións foron sinaladas por alegacións formuladas por particulares e asociacións a través do Portal de Transparencia, mais tamén por outros organismos coma o Consello Económico e Social no seu ditame sobre o Anteproxecto de lei, ou a propia Consellería de Sanidade, sendo todas elas desestimadas no proxecto final.

Tamén son moitos os aspectos relativos á regulación concreta, por exemplo da fiscalidade ou a publicidade, que fican sen unha redacción exhaustiva a expensas da





BLOQUE
NACIONALISTA
GALEGU

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

redacción e aprobación de posteriores desenvolvementos regulamentarios, sen contar tampouco con ningunha concreción a respecto de cando se producirá esa ampliación.

A necesidade urxente deste cambio normativo non pode ser óbice para un proxecto legislativo ambicioso, que actúe como garantía de preservación da saúde da poboación e de protección da sociedade, sen menoscabar a intervención sobre outros aspectos máis técnicos.

Por todos os motivos expostos, o Grupo Parlamentar do Bloque Nacionalista Galego formula esta emenda de totalidade ao Proxecto de lei reguladora dos xogos de Galiza, solicitando a devolución ao Goberno.

Santiago de Compostela, 31 de outubro de 2022

Asdo.: Iria Carreira Pazos

Deputada do G.P. do BNG

Ana Pontón Mondelo

Portavoz do G.P. do BNG

Asinado dixitalmente por:

Iria Carreira Pazos na data 31/10/2022 17:46:24





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Ana Pontón Mondelo na data 31/10/2022 17:46:35

